

O'zbekiston Respublikasi
Xorazm viloyati
Bog'ot tumani
**НОКИМИ
ҚАРОРИ**



Ўзбекистон Республикаси
Хоразм вилояти
Боғот тумани
**ХОКИМИ
ҚАРОРИ**

220200 Боғот шаҳарчаси Ўзбекистон кўчаси, 18 уй. Tel:31-52-807, faks:31-52-425

2020 йил «4» июл

№ 1657а

Боғот шаҳарчаси

Нусха № 1

Марҳум Юсупов Рўзматнинг турар жой
биносига бўлган эгалик ҳуқуқини белгилаб
бериш тўғрисида

Боғот тумани “Гулзор” маҳалласида яшовчи фуқаро Юсупов Шерипбой Рузметовичнинг марҳум отаси Юсупов Рўзматнинг “Гулзор” маҳалласида жойлашган турар жой биносига бўлган эгалик ҳуқуқини белгилаб беришни сўраб туман ҳокимлигига йўллаган 2020 йил 2 июлдаги ХО-Ю-1917-сонли аризасини, “Гулзор” маҳалласи фуқаролар йиғини маълумотномасини ҳамда Хоразм вилояти ер тузиш ва кўчмас мулк кадастр давлат корхонасининг Боғот туман филиалининг 2020 йил 2 июлдаги 2604-сонли маълумотномасини кўриб чиқиб, Ўзбекистон Республикаси “Фуқаролар кодекси”нинг 187-моддасига, “Уй-жой кодекси”нинг 22, 23-моддаларига, “Маҳаллий давлат ҳокимияти тўғрисида”ги қонуннинг 6, 10 ва 25-моддаларига ҳамда Ўзбекистон Республикаси Вазирлар Маҳкамасининг 2000 йил 20-январдаги 18-сонли қарори билан тасдиқланган “Уйлар ва турар жойларни уй-жой фондига киритиш тартиби тўғрисида”ги Низомга асосланиб,

ҚАРОР ҚИЛАМАН:

1. Боғот тумани “Гулзор” маҳалласида жойлашган 7 (етти)та хонадан иборат, яшаш хоналари 4 (тўрт)та бўлиб, ички ўлчами 78,66 квадрат метр, ёрдамчи хоналар 3 (уч)та бўлиб, ички ўлчами 68,22 квадрат метр, жами хоналарнинг ички ўлчами 146,88 квадрат метр, қурилиш ости майдони 287,64 квадрат метр, умумий ер майдони 1300,0 квадрат метр ушбу турар жой биносига нисбатан марҳум Юсупов Рўзматга мулк ҳуқуқи асосида унга эгалик ҳуқуқи белгилаб берилсин.

2. Марҳум Юсупов Рўзматнинг меросхўрлари ушбу турар жойи биносининг ер майдонидан бошқа мақсадларда фойдаланганда ҳамда келгусида янгидан қуриши ёки қайта реконструкция қилиши, қўшимча хоналар ёки бошқа бино ва иншоотлар қурилиши учун белгиланган тартибда тегишли ташкилотлар билан келишмаган ҳолда амалга оширганда Ўзбекистон Республикаси

“Ер кодекси”нинг 36, 38-моддаларига асосан ер участкасидан фойдаланиш ҳуқуқи тўхтатилиши тўғрисида огоҳлантирилсин.

3. Марҳум Юсупов Рўзматнинг меросхўрларига ушбу қарор қабул қилиниши муносабати билан ушбу турар жой биносини давлат рўйхатидан ўтказиш мажбурияти юклатилсин.

4. Ушбу қарорнинг бажарилишини назорат қилиш туман ҳокимининг ўринбосари А.Курьязов зиммасига юклатилсин.

Богот тумани ҳокими



О.Холбоев